



## 'n Veelbewoë jaar loop nou vinnig ten einde

Ons in BougainVilla het 'n baie geseënde jaar gehad. Daar was baie vreugdes wat ons met mekaar kon deel. Vir sommiges ook hartseer en ons harte en gebede gaan uit na hulle. Ook was daar frustrations, veral ten opsigte van watervoorsiening, maar ons beker loop oor van dankbaarheid en al die genade wat ons ontvang het.

Vir almal wat met vakansie weggaan, ry versigtig en wees veilig.

Wees ook uiters versigtig gedurende hierdie feestyd in winkelsentrums en orals waar dit bedrywig is.

Namens die direksie en bestuurspan wens ons al ons inwoners 'n baie geseënde kersfees toe.

Mag die ware aard en inhoud van kersfees, die herdenking van die geboorte van ons Verlosser en Saligmaker, Jesus Christus, die oorheersende belewing vir elkeen wees.

Jan en Wilna Buter

We are rapidly approaching the end of yet another eventful year.

We in BougainVilla had a very blessed year. There were many joys we could share with each other. Some also had sad events to deal with and our hearts and prayers go out to them. There were also frustrations, especially regarding water supply, but our cup overflows with gratitude for all the grace we have received.

For everyone going away on vacation, drive carefully and be safe.

Also, be extremely careful during this festive season in shopping malls and anywhere that is busy.

On behalf of the board and management team, we wish all our residents a very blessed Christmas. May the true nature and content of Christmas, the anniversary of the birth of our Redeemer and Savior, Jesus Christ, be the dominant experience for everyone.

Jan and Wilna Buter



# 2023 Vroeë Toere

Go Trip  
EXPERIENCE LIFE

VERTREK VANAF GAUTENG  
KLEIN GROEP TOERE



Retourvlugte  
nie ingesluit nie,  
maar kan  
gereg word!

## Go Tuin Roete

1 - 8 Maart  
**R16 800**  
per persoon wat deel

**R3000**  
Enkel bybetaling  
Benodig vlugte

## Go Kaapstad

7 - 12 Maart  
**R13 000**  
per persoon wat deel

**R2700**  
Enkel bybetaling  
Benodig vlugte

## Go Weskus

12 - 17 Maart  
**R12 800**  
per persoon wat deel

**R2300**  
Enkel bybetaling  
Benodig vlugte

## Go Wildekus

23 - 31 Maart  
**R17 900**  
per persoon wat deel

**R2900**  
Enkel bybetaling  
Benodig vlugte

## Go Kruger Park

16 - 21 April  
**R11 800**  
per persoon wat deel

**R1950**  
Enkel bybetaling  
Geen vlugte nodig nie

## Go Botswana

30 Apr - 8 Mei  
**R28 500**  
per persoon wat deel

**R6600**  
Enkel bybetaling  
Geen vlugte nodig nie

## Go Namibië

17 - 29 Mei  
**R33 200**  
per persoon wat deel

**R5000**  
Enkel bybetaling  
Benodig vlugte

## Go Safari

Junie - 7 dag toer  
**TBR**  
per persoon wat deel

**TBR**  
Enkel bybetaling  
Benodig vlugte

Bespreek aanlyn!  
[www.gotrip.co.za](http://www.gotrip.co.za)

[info@gotrip.co.za](mailto:info@gotrip.co.za)  
065 542 5966



## **GEORGE EYBERS – DIREKTEUR: INFRASTRUKTUUR/TUIN/SKOONMAAK**

Ek wil graag my dank aan al die inwoners oordra met die vertroue wat in my gestel is om nog 'n termyn as Direksielid te dien.

Baie dankie vir almal se geduld met die projekte wat die afgelope jaar gedoen was. Ek hoop dat dit wat ons klaargemaak het, en dit wat ons nog beplan, tot voordeel van al die inwoners sal wees.

Ek en my vrou Elsie wil almal 'n Voorspoedige en Geseënde Feesgety toe wens.

Ons is oppad om ons kinders en kleinkinders in Nieu-Seeland te gaan besoek vanaf 07/12/2022 tot 26/02/2023.

Voorspoed en Geseënde Wense.

George Eybers



## Bougainville Aftree Oord

R900 000 - 1 Slaapkamer Grondvloer Woonstel.  
VANAF R725 000 - 1 Slaapkamer Woonstelle met 'n Afdak.  
VANAF R900 000 - 2 Slaapkamer 1 Badkamer Woonstelle.  
R1 350 000 - 2 Slaapkamer 1 Badkamer Huis met 'n Enkel Motorhuis.

**WELKOM ALLE NUWE EIENAARS!**



Pieter & Magdel  
Burger - 243



Elize v.d.  
Merwe - 154



Bill & Sharon  
Dermon - 288



Dawn Steward &  
Chrissie Killian  
- 5112

**Marlene Opperman**  
**083 680 0173 | marlene@csisales.co.za**



**Instituut vir Gehoor**  
*Spesiale prys op*  
*Gehoorapparate beskikbaar*  
*tot 15 Desember 2022*

*Skakel 012 567 0157 of WhatsApp 066 281 0149  
vir u tuisbesoek*

*Baie dankie aan die inwoners van Bougainville vir u  
ondersteuning gedurende 2022*


**Geniet die feestyd.**



## BERTUS PRETORIUS

### DIREKTEUR: SEKURITEIT

Voor ons na BougainVilla verhuis het, het ons vir twee en dertig jaar in 'n huis hier in Pretoria gebly. Daar het ons palisade heinings aan die straatkant van die erf gehad. Aan al drie die ander kante was daar ses voet hoë mure, veiligheidshekke voor al die buite deure, wat natuurlik altyd gesluit was, diefwering voor elke venster, ligte om elke toegangsroete in die aand met 'n bewegingssensor aan te skakel en moenie vergeet van die alarmstelsel wat gekoppel was aan 'n veiligheidsmaatskappy met 'n gewapende reaksie eenheid nie.



Toekom ons na BougainVilla toe, en ek moet sê, hier voel ek baie veiliger as wat ek ooit by ons vorige huis gevoel het.

Wat is sekerheid vir ons hier in BougainVilla? Dit is om te weet ons is veilig hier in die oord, wanneer ons in ons huise is, wanneer ons sommer net buite sit of besig is met dit wat ons hier besig hou of wanneer ons in die oord gaan stap. Dit is wanneer ons veilig wil voel.

In die dag sien mens gereeld 'n sekerheidswag op 'n fiets of in die gholfkarretjie rondry, of jy hoor net die tweerigting radio gesels. In die aand sien ek elke nou en dan 'n flitslig skyn teen ons vensters en jy weet die wagte is daar. In die aand is dit lekker om die deure oop te los en die koel briesie te voel inkom na 'n warm dag.

Ons het vriendelike wagte by ons toegangshek, wat my nog altyd net met respek behandel het.

Maar, dan is daar ook altyd plek vir verbetering. Om sekerheid in die algemeen te verbeter is nooit goedkoop nie en uit ondervinding weet ons dat mense met 'n misdaadmotief, met tye, uiteindelik enige maatreëls wat ons in plek sit om iets te beskerm, sal kan omseil.

Daarom kyk die Bestuur en Direksie van BougainVilla voortdurend of daar areas is waar ons BougainVilla se sekerheid kan verbeter. Ons het onlangs 'n onafhanklike risiko analise laat doen wat areas geïdentifiseer het waaraan ons aandag kan en ook moet skenk. Ons gaan alles doen wat moontlik is om elkeen in die oord veilig te hou, maar onthou ook: Jou veiligheid is nie net die oord of die sekerheidswagte se verantwoordelikheid nie. Dit is in die eerste plek ons elkeen se verantwoordelikheid om ons en ons gade veilig te hou.

Wees waaksam maar geniet ook die lekker omgewing en omstandighede waarin ons woon!!!!!!!!!!

Indien enigiemand iets omtrent Sekerheid en/of Veiligheid onder die Bestuur se aandag wil bring, is hulle welkom om met my (by 6073) of met die Oordbestuurder kontak te maak.

# Welcome to Serenity

We are a beautiful, privately owned residence which solely specializes in the accommodation and dignified treatment of those affected by Alzheimer's Disease , Dementia and all related illnesses.



Find us on  
**Facebook** [Serenity7th](#)

Address:  
933 7th Avenue,  
Wonderboom  
South,  
Pretoria 0084



## About Our Facility

With its warm and tropical climate, our facility is situated in the peaceful suburb of Wonderboom South, which features the beautiful Magaliesberg Mountains as a backdrop.

Our facility was especially built to accommodate the interaction between residents and their families.

Visitors are welcome at any time.

Sunday Lunches & Braai facilities are available for visitors to enjoy the time spent with their loved ones.

Only two residents are accommodated in our spacious rooms.

## Our package include the following:

- Three scrumptious meals provided every day (Morning, Afternoon and Evening).
- Also given three snacks every day.
- All medication will be administered by qualified personnel• 24/7 care will be provided by our qualified, professional and loving personnel.
- Daily activities include exercise and mentally stimulating routines.
- Spa Days are available once a week. Hair, Manicure and Pedicure services are offered.
- Monthly Theme Days will be held to involve residents and allow their stay to be more pleasant and enjoyable. E.g "Under the stars – Movie Party"

"Let us never know what old age is.  
Let us know the happiness time brings, not count the years."

Ausonius



## DINIE ROETS

### DIREKTEUR: KOMBUIS / OMGEE-SPENS / SOSIAAL

Hierdie tyd van die jaar wil ons net opkyk en dankie sê vir ons Hemelse Vader. Baie goeie dinge het hierdie jaar gebeur waarop ons kan trots wees.

Baie dankie aan Ricus Groenewald, ons oordbestuurder, vir jou beheer en bestuur van die oord. Jou sterk hand in alles kan ons definitief sien. Dankie dat jy altyd bereid is dat ek jou kantoor kan binne storm.

Jan Buter, die voorsitter van ons direksie, is die geduldigste mens wat ek nog gesien het. Hy ontvang enige tyd oproepe en ek wonder of hy een ete eet sonder dat iemand by sy tafel was met 'n probleem of om iets vra. Wilna, jy is 'n geduldige vrou!

Baie dankie aan my mede direksie lede. Dit is groot voorreg om saam met julle te werk.

Didi en Dana, dankie dat ons altyd iets kan gaan vra as ons nie weet wat aangaan nie. Ek dink so met die water probleem moes julle seker baie vroe beantwoord oor "wat van die water"!

Gerhard en sy personeel, dit was nogal n stywe jaar. Dankie vir julle volgehoud behulpsaamheid en vriendelikheid. Ons het lekker geëet. Gerhard jy het altyd 'n geduldige oor vir almal.

Susan en haar span, sonder julle sou hier nijs vir ons gewees het nie. Dankie vir jul tyd en uithou. Die groot mark bars al uit sy nate uit en elke Dinsdag is 'n fees. Dankie vir al die lekker mandjiedanse en ander vermaak. Sonder al hierdie goeie byeenkomste sou ons maar 'n vervelige jaar gehad het.

Hier is soveel pragtige inwoners. Dankie vir die mooi en goeie gesindheid wat hier is. 'n Grappie, vriendelike geselsie of 'n groet wat sommer almal se dag so mooi opvrolik.

Vir die mense wat weggaan, gaan veilig en kom veilig terug. Ons is 'n hele klomp tuisblyers maar ons gaan elke dag geniet.

Wonderlike Geseënde Kersfees en 'n spesiale nuwe jaar vir julle almal.

Ons harte gaan uit vir die persone wat 'n geliefde gedurende die jaar verloor het. Baie sterkte.



# Wens u n GESEEËNDE KERSFEES Wishes you a MERRY CHRISTMAS

Silver Violet Studios wil graag al ons kiente bedank vir hul ondersteuning deur die jaar!

Merry Christmas and a Happy New Year!

SilverViolet Bestuurspan asook jul stiliste en assistent, Amanda, Nelda en Florence

Let wel dat die laaste salon dag op Vrydag, 23 Desember 2022 sal wees en ons heropen weer op Dinsdag, 3 Januarie 2023.

Please note that the last salon day will be on Friday, 23 December 2022 and that we will reopen on Tuesday, 3 January 2023.

## MAGDA VAN ZYL – DIREKTEUR: FINANSIES

Die beste tyd van die jaar is sekerlik nou. Almal sien uit na Kersfees en om tyd saam met familie en vriende deur te bring. Beplanning word gedoen en afskeidsetes word gereël.

Vir die Finansiële span beteken dit werk aan die begroting vir die volgende finansiële jaar. Ons is reeds aan die gang met die proses. Die begroting word finaal goedgekeur en gefinaliseer op 21 November, en daarna in Desember uitgestuur. In Januarie word dit voorgelê ter inligting.

As die nuwe Direkteur van Finansies was ek sommer in die diep kant ingegooi, juis toe die begroting opgestel moes word. Gelukkig was Jan en Ricus by met hulp en bystand.

Die swak ekonomiese speel ook 'n rol en, met wat ons ookal beplan, probeer ons nogsteeds om die onkostes so laag as moontlik te hou.

Ons het ook uitdagings beleef, maar tog positief gebly.

BougainVilla se finansies is gesond en ons is dankbaar.

So ver was ons totale inkomste	R13 183 163
Totale uitgawes	R13 152 124
Operasionele surplus	R31 039

Die verkope van eenhede het ook weer toegeneem en die 3,5% sal ons reserwefonds versterk. Die rente inkomste op ons vaste beleggings word ook oorgedra na die reserwefonds.

Ons het groot uitgawes gehad met brandstof tydens kragonderbrekings. Die koffiewinkel het 'n nuwe baadjie gekry en lyk vrolik met die kleurvolle sambrele. Ons braaier is ook in aanbou, sowel as die 1 stoep by die wassery. Daar word ook aan die sonpanele gewerk. So, word projekte beplan om die oord nog mooier en beter te maak.

Al ons fasiliteite se voortbestaan is afhanklik van ons inwoners. Ek vra dat julle asseblief die fasiliteite gebruik. Ons is TROTS op ons oord en dit is lekker om hier te bly.

BougainVilla se Finansies is gesond en ons is dankbaar.

Ek waardeer julle ondersteuning en samewerking.





Bestuur ALLEENHEID én  
EENSAAMHEID tot  
HEIL-saadheid  
deur jou hele lewe

Prof Stephan Joubert



NG KERK MONTANA

SATERDAG 21 JANUARIE 2023 (09:00 - 12:00)

TOEGANG: 'N DONASIE VAN WAARDERING  
VERVERSINGS

KONTAKPERSOON: KERKKANTOOR – 012 534 3377

'n Gesamentlike projek van

NG Montana

en

NG Overkruin

MERRY CHRISTMAS AND HAPPY NEW YEAR

MAY YOUR HOME BE FILLED  
WITH LOVE AND LAUGHTER  
THIS HOLIDAY SEASON

CONTACT OUR RENTALS AGENT IN YOUR AREA

**Annalie Rykaart**

**083 225 3501**

**annalie@csiproperties.co.za**

\*REGISTERED WITH THE PPRA

**CSI** Sales  
Rentals  
Property Management  
Trustworthy Property Solutions



**011 805 6316**



**www.csi-euf.co.za**



## RIA ANDREWS

### DIREKTEUR: GESONDHEID

Ons is dankbaar vir Covid wat nou so bietjie gaan rus het, maar is steeds paraat sou hy weer sy kop uitsteek.

Hierdie jaar het daar groot veranderinge plaasgevind met die Gesondheidsorg. Unique Health – ons vorige dienskontrakteur by die Sorgsentrum, het Oktober verlede jaar hulle kontrak gekanselleer en daar moes inderhaas 'n nuwe kontrakteur aangestel word. Procare was bereid om op kort kennisgwing, te wete 1 Desember 2021 by hulle oor te vat. Ons is baie dankbaar daarvoor.

Met die dokters-besoek wat al meer geword het, is daar aan die begin van die jaar vir Dr Venter en haar span 'n spreekkamer ingerig met 'n wagkamer. APA Ambulansdienste se personeel het ook nou 'n kantoor waar hulle gedurende die dag kan rus, wanneer

hulle nie besig is met gevalle buite die oord nie. Dit is vir ons baie gerusstellend om te weet dat die Ambulansdiens vinnig beskikbaar is vir 'n Noodgeval in die oord.

Daar was onlangs verskuiwings gemaak om die werkvloei en produktiwiteit van die Gesondheidspersoneel te verbeter. Sr Ina het geskuif na die kantoor in die Sorgsentrum en die Oordversorgers is in 'n kantoor naby die Kliniek by Sr Andrea.

Sr Andrea bly steeds, tussen alles deur besig met assessorings en daarom was die Kliniekye ook verander om haar meer tyd te gee vir al die assessoringsafsprake van die agente. Daar was 'n paar inligtingsessies gehou oor die Gesondheidsdienste wat Procare bied vir die inwoners van Bougainville. Ope ure was gehou vir die Sorgsentrum, wat tans 19 inwoners het.

Ek wil graag namens myself en die Direksie, ons dank oordra aan almal by die Gesondheidsdienste vir hulle harde werk en passie om na ons almal se welstand om te sien.

Vreugde en Vrede word almal toegewens vir die Kersgety en vir die Nuwe Jaar!




# Attie Olivier

## Psigo-Sosiale Dienslewering aan Senior-Volwassenes



Geregistreerde Maatskaplike Werker  
SACSSP Reg No: 10 – 04108



Spesiale  
Konsultasietariewe vir  
Bougainvilla Inwoners

Telefoon & "WhatsApp"

083 227 2893

Attie.Olivier@mweb.co.za

### Belangrike Inligting!!!

Die Direksie van die Bougainvilla Huiseienaarsvereniging het dit goedgedink om as deel van hulle "beklemoningsboodskap" dat Bougainvilla Aftree-Oord bedoel is vir inwoners wat onafhanklik kan leef, die subsidie wat sedert Februarie 2019 vir 'n maatskaplikewerkers-pos betaal was, met ingang vanaf 01 September hierdie jaar te staak. Die implikasie van hierdie besluit is dat inwoners wat voortaan van hierdie professionele diens gebruik wil maak, self vir hierdie diens moet betaal. Die spreekkamer op die eerste vloer (in dieselfde gang waar dr Sasje Venter se spreekkamer is) sal steeds vir konsultasies met inwoners benut word. Konsultasies sal per vooraf afspraak hier plaasvind. **U word uitgenooi om my per "WhatsApp"- boodskap of per telefoon te skakel by bogenoemde telefoonnummer met die oog op die reël van 'n afspraak.**

### Goeie Nuus!!!

**Bougainvilla-Inwoners by wie ek reeds betrokke was voor 01 September** hierdie jaar, kwalificeer vir 'n spesiale konsultasietarief van slegs die **helfte (50 %) van my standaard konsultasietariewe**. My standaard konsultasietarief is byvoorbeeld R 498 per uur. Bougainvilla-Inwoners betaal slegs R 249. My praktyk is 'n "kontantpraktyk" wat daarop neerkom dat u kontant of per kaart betaal na afloop van u konsultasie. My praktyk is op hierdie stadium nog nie by medieseondse geregistreer nie.

### Psigo-Sosiale Afrigtings- en Beradingsdienste

Hieronder volg 'n lys van voorbeeld van lewenssituasies/-gebeurlikhede waarvoor om hulp aangeklop kan word:

- \* Hantering van verliese (dood en ander verliese) waaraan 'n senior-volwassene blootgestel is.
- \* Hantering van probleme uit die verlede wat u huidige betekenisvolle funksionering negatief beïnvloed.
- \* Herstel van of "vrede maak met" verhoudings uit die verlede of huidige verhoudings wat problematies is.
- \* Verouderingsverwante geestestoestande (depressie, angs, ens.)
- \* Hantering van eensaamheid en alleenheid.
- \* Hantering van demensie en Alzheimer-demensie.
- \* Hantering van lewensoorgange in die later jare van veroudering (Verouderingslewensplan).
- \* Hulp om bekostigbare alternatiewe behuising te bekom wat in veranderde versorgingsbehoeftes voorsien.
- \* Trauma intervensie.
- \* Enige ondersteunende berading.

### Aksie vanuit my praktyk waarna in 2023 na uitgesien kan word

'n Maandelikse psigo-sosiale "kuiergeleentheid" waartydens inwoners die geleentheid gegee gaan word om aan die hand van 'n spesifieke onderwerp saam met my te kuier. (Daar gaan geen koste hieraan verbonde wees nie).

Dankie dat ek hierdie nuwe rigting wat my praktyk inslaan met u kon deel!

Seënwense

## BLOMMEPRAG NET WAAR JY KYK

Baie dankie aan ons oordbestuurder Ricus Groenewald en direkteure vir die finansiële goedkeuring vir die tuinprojek waarby ek betrokke is op die oord.

Sonder 'n sterk span agter jou, kan geen projek suksesvol wees nie. Kaegen en sy entoesiastiese tuinspan stel my in staat om my liefde vir tuinmaak in die oord te kan uitleef. GROOT DANKIE vir julle!!!! Daarsonder sou ek dit nooit kon doen nie.

Ek het groot geword op 'n familieplaas in die Volksrust distrik, Mpumalanga en my ingebore liefde vir die grond en algemene boerdery, het 'n groot invloed op my lewe gehad.

Wat my beroepslewe aanbetrif, was ek betrokke by 'n mediese praktyk in Standerton. Daar het ek Pieter ontmoet. Ons is in 1967 getroud en het onsself in Alberton gevestig.

Ek het die voorreg gehad om 'n baie groot tuin te kon hê en dit is waar my wortels in tuin beplanning begin het. Ek en 'n vriendin het die geleentheid gekry om saam blomme in Alberton en omgewing te doen vir verskeie funksies soos troues, kerkgeleenthede en onthale. Hierin het ek myself uitgeleef.

Dit was 'n baie emosionele besluit om afstand te doen van my tuin in ruil van waar ek my nou bevind en daarom het ek groot waardering om in die oord se tuine betrokke te mag wees. As dit kom by blommerangskikking het ek geen professionele opleiding gehad nie.

Beskou elke rangskikking in die voorportaal, of elders, as 'n poging uit my hart tot diensbaarheid aan ons oord en sy mense. Hierin het "my Pieter" my altyd bygestaan en ten volle ondersteun.

Baie dankie vir die inwoners vir die waardering, besorgdheid en vriendelikheid teenoor my.

Mag ons almal vrolik blom, totdat HY ons kom haal.

**THEA VAN DER MERWE**

Eenheid 110



# BESTUURSPAN

Die CSi Bestuurspan wil graag van hierdie geleentheid gebruik maak om alle inwoners van BougainVilla Aftree-Oord 'n baie geseënde Kersfees en 'n voorspoedige 2023 toe te wens.

Ons is dankbaar dat ons nog 'n jaar saam met die Oord kon groei en sien uit na die volgende nege jaar.

Wees veilig hierdie feesseisoen en, indien u die seisoen elders deurbring, kom veilig terug.

Groete,

Ricus, Dana, Didi, Frik & Amos



MERRY CHRISTMAS AND HAPPY NEW YEAR  
MAY YOUR HOME BE FILLED  
WITH LOVE AND LAUGHTER  
THIS HOLIDAY SEASON

CONTACT OUR RENTALS AGENT IN YOUR AREA

**Annalie Rykaart**

**083 225 3501**

**annalie@csiproperties.co.za**



**011 805 6316**



**www.csi-euf.co.za**

## NEEM KENNIS: NUWE KLINIEK-TYE

Vanaf 01 Desember 2022 sal die kliniektye soos volg wees:

**MAANDAG: 09h00 - 10h00**

**WOENSDAE: 09h00 - 10h00**

**VRYDAE: 09h00 - 10h00**

# WONDERLIKE WEGBREEK

Die somer is hier en daarmee saam, die wonderlike behoefte en voorreg om 'n bietjie te kan weg'breek.

Tilla Boshoff, eenheid 214 het vir 'n heerlike weg'breek na Sondella, saam met die kinders en kleinkinders gegaan.



Bosveld omgewing nie vêr verby Warmbad nie. Plantryke natuur, stilte of heerlike plesier langs die swembad. Die jacuzzi is heerlik na die hitte van die middag.

Bale diere kom lê besoek af as jy 'n vleisie buite braai of sommer net vrolik op die stoepie die natuur waardeer. Ouma Tilla het haar hande vol met die vrolike kleinkinders wat elkeen eerste graag ouma se aandag opeis.

Zebras kom groet, bokkies van verskeie soorte kom spog met hul baie jong toevoegings tot die gesin.



En toé, die antiklimaks van 'n Dinsdag....

Skarrelend is die klompie kleinkinders van opgewondenheid, veelvoudige meerkatjies het hul opwagting gemaak in die hoop op 'n bederfie. Die kinders kan nie genoeg kry om hulle te sien nie, maar kom kla dat die meerkatjies nie na hulle wil kom nie, maar by die geyser se hekkie saamdrom en 'n geweldige lawaai opskop.



Dié wakker en baie dapper diertjies het gewaarsku dat daar 'n slang agter die toe deurtje is.

Die bestuur en veldwagters het blitsvinnig opgetree en met kundigheid die reuse wyfie pofadder behendig in 'n houer kom plaas om dit veilig weer vry te kan stel.



Tilla self en haar huishouding het skoon rillings oor die nabyheid van so 'n groot gevaar met al die kleinkinders wat rondspeel. 'n Welkome koel ietsie te drinke, om die senuwees te stil, was die aangewese antwoord.

'n Ware bosveld gebeurtenis om familiebande weer te snoer en die nabyheid en liefde vir mekaar te herontdek.

**TILLA BOSHOFF  
Eenheid 214**

Op die 1ste Desember 2022 is dít reeds 'n jaar gelede wat Procare die Gesondheidsdienste in Bougainvília Aftree-Oord oorgeneem het.

Ons wil graag elke persoon wat betrokke was tydens die proses bedank vir hul ondersteuning en geduld. Veral 'n groot dankie aan die Bestuur en Direksie vir julle omgee harte vir ons inwoners in die Sorgsentrum.

Die Inwoners van die Oord beteken vir ons verskriklik baie, ons wil vir julle baie dankie se vir die vertroue wat julle in ons het.

Ons wens julle 'n Geseënde Kersfees en 'n Voorspoedige (gesonde) 2023 toe.

Al ons liefde  
Sr Ina en Sr Andrea



## AMANDA GROET

Ek het in Januarie 2014 by BougainVilla begin werk en ek onthou goed hoe daar gewerskaf is met die bouery gedurende fase 2 van die bouproses.

Ek het saam met die oord gegroei en nou is dit al nege jaar later.

Die oord voel nog altyd vir my soos 'n klein gemeenskap waar mens verby almal stap en gemaklik 'n geselsie kan aanknoop. Ek het 'n lekker band met ieder en elk gebou.

Die tyd het aangebreek vir my om my vlerke te sprei en ek sal die nuwe jaar begin by 'n ander oord, waar ek verder kan groei.

Baie dankie vir al die ondersteuning, lekker gesels en liefde wat ek ontvang het deur die jare.

BougainVilla lê my baie na aan die hart en ek gaan almal geweldig baie mis!



# BIBLIOTEEKWERKERS KUIER EN VIER 9DE VERJAARSDAG

Lede van die biblioteekspan het onlangs lekker in *Perk Up*, ons koffiewinkel, gekuier en 'n hond uit 'n bos gesels. Die Voorsitter van die Raad van Direketeure, Jan Buter, het 'n woord van dank gespreek aan die lojale en toegewyde biblioteekwerkers. Baie van hulle is al jare by die biblioteek betrokke. Dit was terselfdertyd die heuglike viering van die biblioteek se negende verjaarsdag.

Nadat die eerste inwoners op 1 September 2013 by Bougainvillea ingetrek het, is Alet Lemmer genader om die biblioteek vanaf niks op te bou. Sy was voorheen vir meer as dertig jaar 'n grondslagfase-onderwyseres en daarna by twee biblioteke in Eldoraigne betrokke.

Daar is 'n werkindeling vir 12 ander inwoners wat elke dag sorg dat die teruggebringde boeke op hulle plekke teruggeplaas en die lokale netjies gehou word. Sonder die waardevolle diens van dié vrywilligers sou dit nie moontlik gewees het om die biblioteek te bedryf nie. Die oorhoofse administrasie word deur Alet behartig wat die biblioteek daagliks besoek om te kyk of alles in orde is en stukkende boeke reg te maak.

Die biblioteek is veral aan die beginjare met boekskenkings en verwante goed toegegooi. Dié ooraanbod is eers in 'n kamertjie onder die trap geberg, daarna in die huidige komiteekamer en toe in 'n ander lokaal op dieselfde verdieping. Toe is rakke in die sitkamer en saal geïnstalleer. Die groot trek afwaarts was 'n groot taak. Dosyne bokse boeke waarvoor daar nie rakruimte was nie, is aan liefdadigheidsorganisasie geskenk. Tans word storieboeke wat nie so lank terug gepubliseer is nie, as skenkings ontvang.

Ons biblioteek is baie gewild met meer as 600 boeke wat maandeliks uitgeneem word. Dit was veral tydens die grendeltyd 'n baken van hoop. Na nege jaar kan ons met sekerheid sê: Bougainvillea het 'n leeskultuur soos min. Welgedaan!

Links: Alet Lemmer (leier), Christell Jacobs, Tertia Burger, Tineke Vorster, Christel Smit, Cato Olivier, Amanda Fourie, Tilla Boshoff, Tina Albers en Frieda Coetzee. Nie op foto nie: Magda Pienaar en Johann Lemmer (skakelwerk).  
Onder: Jan Buter, voorsitter Raad van Direkteure, Alet Lemmer (leier), Christell Jacobs en Tertia Burger.





Nog 'n jaar het so vinnig verby gegaan en gaan ons weer 'n nuwe jaar tegemoet.

2022 was vir baie 'n mooi en opwindende jaar, maar vir sommige van ons ook hartseer.

Die Sosiale Komitee het saam met die inwoners 'n mooi en gesellige jaar gehad. Daar was heerlike kuieraande. Saam het ons lekker gekuier en gedans. Ons het ons Valentynsdans en Mandjiedanse saam met 'n gaskunstenaar geniet.

Ons aand met Tommie Dell was 'n reuse sukses gevul met lag en pret.

Die verskeidenheid produkte beskikbaar op beide die Groot- en Dinsdag markte het geweldig gegroei. Markdae is beslis van die lekkerste dae op die oord.

Die jaar word afgesluit met 'n aand van samesang en kore wat optree.

Die oord het nou ook 'n eie koor!

Namens myself en die sosiale komitee wens ons al die inwoners, ons Direksie en hul families 'n baie geseënde Kersfees en 'n voorspoedige 2023 toe.

Mag ons Vader almal beskerm en seën in hierdie feestyd en mag 2023 die mooiste jaar vir almal wees.

Groete

*Susan van Zyl*





### Telefoonnummers

Ambulans	086 108 6911
Oordsuster (Nood)	076 212 3412
On call	064 812 0093
Brandweer	071 409 9254
Metro Polisie	012 358 7095
SAPS Sinoville	012 543 8800
Dischem	012 523 9120
Arrie Nel	012 548 1721
Dr. Venter	066 152 9552
Maatskaplike werker	083 227 2893
KLB Elektries	083 225 0229
VDR Plumbing	071 194 2153

### Desember Ontvangskantoor-ure

Maandag tot Vrydag	07:45 tot 15:45	
Saterdag	10 Desember	07:30 tot 11:30
Donderdag	15 Desember	07:45 tot 11:30
Vrydag	23 Desember	07:45 tot 11:30
Vrydag	30 Desember	07:45 tot 11:30

*\*\*Gesluit op vakansiedae\*\**



# 2023



<b>January</b>						
S	M	T	W	T	F	S
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30	31				

<b>February</b>						
S	M	T	W	T	F	S
			1	2	3	4
5	6	7	8	9	10	11
12	13	14	15	16	17	18
19	20	21	22	23	24	25
26	27	28				

<b>March</b>						
S	M	T	W	T	F	S
			1	2	3	4
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30	31	

<b>April</b>						
S	M	T	W	T	F	S
					1	
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29
30						

<b>May</b>						
S	M	T	W	T	F	S
			1	2	3	4
7	8	9	10	11	12	13
14	15	16	17	18	19	20
21	22	23	24	25	26	27
28	29	30	31			

<b>June</b>						
S	M	T	W	T	F	S
			1	2	3	
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	

<b>July</b>						
S	M	T	W	T	F	S
			1			
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29
30	31					

<b>August</b>						
S	M	T	W	T	F	S
		1	2	3	4	5
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30	31		

<b>September</b>						
S	M	T	W	T	F	S
			1	2		
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30

<b>October</b>						
S	M	T	W	T	F	S
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30	31				

<b>November</b>						
S	M	T	W	T	F	S
		1	2	3	4	
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30		

<b>December</b>						
S	M	T	W	T	F	S
			1	2		
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30
31						

